



САМУРДИН

ССС

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

ГОЛОС САМУРА

Газет 1951- йисалай акъатзава. № 35 (7963) киш, 7- сентябрь, 2019- йис. Къимет 6 манат

ТЕБРИК

«Магъарамдхуьруьн район» МР-дин Администрациядин паттай за райондин вири малимриз ва школайра келзавайбуруз Чирвилерин югъ риклин сидкьидай тебрикзава.

Акълтзавай несилдиз дерин чирвилер ва мягкем тербия гунин карда чи малимри и яргъал

йисара квалахда девлетлу тежриба кватнава. За инанмишвал ийизва хьи, чи малимри и тежриба гележегдин квалахдани геъеншдиз ишлемишда.

Райондин Администрацияди школайра къулай шартлар яратмишунин ва малимрин яшайишдин шартлар хъсанарунин рекъай геле-

жегдани еке къайгъударвал ийида.

За квез Чирвилерин югъ и члехи сувар мад са сеферда му-баракзава.

Ф.З. АГЪМЕДОВ,

«Магъарамдхуьруьн район» МР-дин Администрациядин къил.

1- сентябрь чирвилерин югъ я



1- СЕНТЯБРДИЗ дагъдин ценеривай башламишна Каспий гъуьле акъадалди райондин вири школайри чпин ракларар ахъайда- им келдай цийи йис башламишунин лишан жеда. И юкъуз 7021 аял партайрихъ ацукъда, абурукай 712 аял школайриз сифте кам веъезвайбур я. Вири школайра 1054 малимди аялриз чирвилер гуда.



Гъамиша
къайгъударвилик жеда
«Магъарамдхуьруьн район» МР-дин Администрациядин къил **ФАРИД АГЪМЕДОВА** 30- августдиз райондин малимрин конференциядал авур рахунрай.

АВГУСТДИН конференциядин гъуьрметлу иштиракчяр! Ихтияр це заз МР-дин Администрациядин ва къилди жуван тиварунихъай квез цийи келдай йис му-баракдай.

ГЪАМИША КЪАЙГЪУДАРВИЛИК ЖЕДА

1 ←

Къуй квехъ мягкем сагъвал, акъалтзавай несилдиз дерин чирвилер ва мягкем тербия гунин карда еке агалкъунар, гъагъ дурумлу нетижа-яр хъурай.

Къе чна и конференциядал апатай клелунин йисуз школайра тухвай кваллахдикай, цийи клелунин йисуз школайра клелунинни тербия гунин рекъ-йи вилик акъвазнавай везифайрикай, райондин образованиедин идарайрин техникадинни материалрин база мягкемардай мумкинвилерикай, образованиедин идарайрин вири кваллахрал общественность желб ийидай рекъерикай ачух, гегъенш ва карчивилин руьгъ квай суьгъбетар авун лазим я.

Къейд ийиз кланзава хъи, эхиримжи йисара Россиядин Федерацияди образованиедин игътияжриз гъагъ фикир гузва. Образованиедин месэлайриз гъа и саягъда фикир гун чаз чи республикадин Президентдин ва Гъукуматдин патайни акъва-ва. Анжах Президент Владимир Васильеван къайгъудар-вилин нетижада чи республи-

када «150 школа» милли проек-ти еке камар къачуз башла-мишнава.

Къилди къачуртла, Магъарам-дхуьруьн районда «150 школа» программадин сергъятра аваз 2019- йисуз умуми образовани-един пуд школа- Хъартас-къаз-майрин, Муьгъверганрин, ва Гъепцегърин ремонтнава.

Пата-къерехрай инсанар куьч хъхъунин ва хазвай аялрин къадар артух хъунин нетижада районда агъалийрин къадар къвердавай артух жезва, ида хуьрера эцигунрин кваллахда дибдин дегишвилер тун истемишзава. Къилди къачуртла, сифте нубатда типовой школай-рин дараматар эцигуниз гъагъ фикир гана кланзава.

И карда чахъ тайин тир агал-къунар авайдини къейд ийиз жеда. Девирдин четинвилериз-ни тамаш тавуна чавай неинки авай гъал хуьз, гъагъ школайрин ва гъагъ школадин яшдив акакъ тавунвай аялрин идарайрин къадарни артухариз алакъна. Эхиримжи цлуд йисан вахтунда алай девирдин истемишунриз жаваб гузвай са шумуд цийи школадин дарамат эцигна иш-лемишиз вахкана. Идахъ галаз

сад хъиз, клелунинни тербия-дин кваллахни са къадар хъса-нарна. Алай вахтунда район-да образованиедин идарай-рин кваллах гъар са жигъетдай вилик фенва.

«Магъарамдхуьруьн рай-он» МР-дин Администрацияди вичин вилик акъвазнавай ва-жиблу везифайрикай сад-«150 школа» милли проект ге-лежегдани вири серенжем-ралди вилик тухун яз гъисаб-зава. И карда малимдин пеше-дин гъуьрмет хъажун, лайихлу-вилелди зегъмет цлугъазвай малимрин кваллахдиз лайихлу къимет гун, тербиячивилин кваллахдин дережа хъажун ва-жиблу я.

Шадвилелди лугъуз жеда хъи, чи малимрин коллектив-ри жуьреба-жуьре конкурсра активвилелди иштиракзава ва абурун къадар йис-йисанда-вай гъагъ жезва.

За фикирзавайвал, и кар-цийи клелунин йисуз образова-ниедин управлениедин, рай-ондин вири школайрин ва гъар са малимдин хиве авай жа-вабдар везифа жеда.

Р. МУРАДАЛИЕВ.



Чирвилерин югъ



1- СЕНТЯБРДИЗ - Чирвилерин юкъуз райондин вири школайра шадвилини линейкаяр тешкиллувилелди кбиле фена. Сифтегъан зенгини ван авуна. Ада аялриз школайрин ракларар ачух тирди ва чеб къабулиз гъазур тирди хабар авуна. Къуй абуру чирвилерин алемдиз вегъезвай камар мягъкембур, дурумлубур, чирвилерин куклушрал къван фидайбур хъурай.

**«Самурдин сес»
газет.**

**шикилра: Магъарамдхуь-
руьн 1- нумрадин СОШ-да
шадвилини линейка физвай
вахт.**



САД ЛАГЪАЙ сентябрь чи
улькведа Чирвилерин югъ яз
къейдзава. Магъарамдхуь-
руьн райондин школайри 2-
сентябрдиз чпин раklarар
гегъеншдиз ачухна. Виринра
шадвилин мярекатар кыле
фена. Школаяр, малимар ва
аялар и юкъуз хъсандиз гъа-
зур хъанвай. Гъа и йукъуз
шадвилин линейка Магъа-
рамдхуьруьн I- нумрадин
СОШ- дин школадани кыле
фена. И мярекат гъа и шко-
ладин II «б» классдин учени-
цаяр тир Бидирханова С ва
Казиева С. кыле тухвана.
Анал рахай школадин ди-
ректор Гъуьруьзат Султан-
меджидовнади аялриз,
диде-бубайриз школадин
коллективдиз цийи клелунин
йис риклин сидкыдай муба-
ракна. Мярекатдал Още-
ственный палатадин предсе-
датель Агъадаш Нагъметул-
лаев, школадин завуч Касу-
мова Марият ва масабур ра-
хана. Абуру аялриз ва ма-
лимриз цийи клелунин йис

Чирвилерин югъ



мубаракна. Мярекат аялри
лагъай шири мадни гурлу
авуна. Ингъе, I- зенг яна. Сад
лагъай зенг гъа и школада
лап хъсан къиметралди
клелзавай Абуьмуслимов Ка-
милан куьмекдалди I- клас-
сдин ученица Эфендиева Ха-
диджата яна. Цинин и йисуз
гъвечли классрин малимар
тир Атлуханова Лейлади,
Махмудинова Эльнаради ва
Ширинова Эльмиради сифте
яз школадиз атанвай 69 аял
къабулна ва музыкадалди
гъвечли аялар классриз тух-
вана. Адет тирвал ислэгъви-
лин тарс башламишна. Цуь-
кверин клунчлар гвай, чинал
хъвер алай аялар сифте яз
безетмишнавай классриз
фена. Чнани чи «Самурдин
сес» газетдин коллективдин
патая райондин вири малим-
риз ва школьникриз цийи
клелунин йис риклин сидкы-
дай мубаракзава.

ЖАННА.



Шейхдин сурал зиярат

МАГЪАРАМДХУЪРУЪН районда 12 сентябрдиз Мегъамед Эфенди Ярагъский «Великое достояние народа» лишандик кваз еке форум кьиле фида. А форумдин вилик Магъарамдхуъруън райондин МР- дин Администрациядин кьил Фарид Агъмедов Мегъамед Ярагъидин сурал зиярат ийиз фенвай.

Мегъамед Ярагъи Дагъустандин халкьар дуъз рекъел гъайи, гъаф савадлу, камаллу кас тир. Уьмуьрдин эхиримжи йисара ам Согратлида яшамаш хъана. Ам ярагъви, дагъустанви ва кьилинди, зурба алим, шейх тир. Зияратдал атанвайбуру сурара эцигнавай кьвализ физ, Мегъамед Ярагъидин тиварунихъ дуьаяр кьелна. Вирида зиярат авурдалай кьулухъ мугъманар ва чкадин агъалияр хуьруън мискИнда нисинин капИунал кьват хъхъана. Мегъамед Ярагъидин сур – зиярат михидаказ гъуьрметдивди хуьзва. Ам чкадин гъар са агъа-



лидин бейнида несилриз дуъз рехъ къалурзавай чирагъ хъиз ава. Малум хъайивал, шейх Мегъамедан сурал Магъарамдхуъруън райондин векилар гъар йисуз физва. Къуй дуьньяда ислягъвал, гъуьрмет хъурай! Им зи фикирдалди гъар са касдин эрзиман мурад я.

Чи жегъилри машгъур университетар хкъазава

2019- ЙИСУЗ Магъарамдхуъруън райондай гъаф выпускникар машгъур университетрик, колледжрикни училищейрик экечИна. ЦИи школаяр куьтягъай 262 жегъилдикай 19 кас кьизилдин медалдиз лайихлу хъана. Къейдзавайвал эхиримжи йисара районда образованиедин ери хъсанвилихъ дегиш жезва, и гъакъикъат ЕГЭ ва ОГЭ вахкунин карда

арадал къвезвай хъсан нетижайри субутзава. Республикадин, уьлкведин тивар ван авай вузрик экечИзавайбурун къадарни йис йисандавай артух жезва.

Са шакни алач вири и агалкъунарни нетижаяр, акъалтзавай несилдиз чирвилерни тербия гунин карда малимри гъакъисагъвилелди, бегъерлувилелди кьвалахзавайдан гъакъ-

индай шагъидвалзавай делилар я. Аялрал чIугунвай зегъметдай малимриз ва хъсан тербия гунай диде-бубайриз чухсагъул.

Жегъилри Дагъустандин ДГУ, ДГМУ, ДГТУ, ДГПУ, ДГУНХ ва маса вузар хкъанава. Идалайни гъейри, уьлкведин маса регионрин, СНГ дин университетрани чпи хкъатгъай пешейрай чирвилер къачузвай жегъилрин къадар къвердавай пара жезва.

ЖАННА .

ЗУН РАХАЗВАЧ И КАСДИКАЙ ТЕРСИНА

КъатI. Эвел алатай нумрайра).

Хамфера винидихъ лагъай гафарин гъакъиндай суннитрихъ чпин фикир ава. Абуру Валлагъдин пайгъамбар таб я лугъузвайбур шиитарни хашпересар тирди субутзава. Шиитрин тапан фикиррин гъакъиндай суннитрин алимри гзаф ктабар кхъенва. Ихътинбурукай яз «Цавун гугрумрин кърбан-дар», «Цикъвед лагъай савкъват», «Суннитрин тереф хуьналди», «Тарашчи», «Пак тир куьмекчир», «Халисан гъажияр», «Иман ва иман чирун» ва маса ктабрин тварар къаз жада.

Исламдин дин чи йикъара уьмуьрдин ва гъукмдин дин тир. Чпин государствойрин кхиле мусурманар чеб акъвазнавай. Чеб диндикай азад тушир, адан лукъвиле авай инсанар тирдахъ а мусурман агъаяр инанмишриз хъун мумкин тушир. Дуьз лагъайтIа, исламдин тарих чIурдай мумкинвал чахъни авачир. Чаз лап хъсандиз чизвай хъи мусурманрин агъавилихъ вичин къетIенвилер авай, гъавилияй абурув ян гуз таз жезвачир.

Гъа са вахтунда туьркериини персрин къанажагъ са чIавуз велик фидайдахъ чун кIевелай инанмиш тир. А чIавуз абуру мусурман уьлквейра чи планар чIур хъунин кърхулувал арадиз гъидай. Гъаниз тамашна чун и мусурман къве уьлкве зайифбур ва пайи-паяр хъанвайбур яз амукъун патал вири жуьредин серенжемар къабулиз алахънавай. Азадвиле, пулуни ва яракъди абурукай муьтIуьгъ тежедайбур авунвай.

Чак мусурманрин савадлу пайини, иллаки Стамбулда, Ал-Азхарда, Иракда. Сирияда авай алимри кърхулувал кутазвай. Абуру чи планриз ва уьмуьрдиз еке манийвал ийизвай. Пак тир Къръандин сурайри мусурманриз чпин гъисериз майдан гун, уьмуьрдин лезетрикай менфят къачун къадагъа ийизва. Исламдин алимар чпин диндин истемешунриз тамамвилелди табий тир ва абур кхиле тухуз гъазур тир. Халкъ абурун гъуь-

гъуьна аваз физвай, султанриз ва эмирриз абурухъай кичле тир. Шиитар и жигъетдай амайбурулай тафаватлу тир. Суннитрин чпин алимрин истемешунар галай-галайвал кхиле тухун тийидай дуьшуьшарни жада.

Абур, амай мусурманрилай тафаватлу яз, ктабрихъ гзаф инанмиш тир. Бязи вахтара абур алимриз, султанриз ва эмирриз сад хъиз табий тир. Шиитри лагъайтIа, ктабар тIимил кIелдай, я тахъайтIа, эсиллагъ кIелдачир. Абуру чпин алимрихъ тамамвилелди ихтибардай, амма султанрихъ ваъ.

ТIем текъведай и «цал» хун патал чна лап виниз тир дережайра авай совещаниярни гуьруьшмишвилер тIимил тухванач. Чна мусурман уьлквейра кардик квай чи шпионрини информаторрин гъахъ-гъисабар, абурун малуматар дикъетдалди чириз хъана. Чавай гъакIани абурун кIвалахрал разивал ийиз жезвачир.

«Са сеферда ам зунни алай чкадал машгъур алим Жавад Алькумийдихъ галаз гуьжетриз акъатна. Жавада Мегъамедавай хабар къуна: «Эгер вун Алидин чирвилерихъ инанмиш ятIа, вучиз шиитрин терефдал алач. Мегъамеда жаваб гана: Алидин тестикъарунар, Омаран ва пайгъамбардин куьмекчийрин тестикъарунар хъиз, зун инанмишардай делилар туш». Жавад рази хъанач: «Пайгъамбарди вичин гъахълу къуд халифдикай садахъ инанмишвал ая лагъанай эхир». Мегъамед: «АкI яз хъайила пайгъамбарди чаз ирс яз Аллагъдин Ктаб, Сунна ва Али тазва вучиз лагъанач?». Жаваб: «Пайгъамбарди лагъанай хъи, за кез ирс яз Аллагъдин Ктаб ваз и тухум тазва. Бес Али адан тухумдай тушни?».

Заз Мегъамед бен Абдул Вагъабаз мукъва хъун чарасуз яз акуна. Ада азаддиз фикир авун вичиз вич гзаф бегенмиш хъун, Къръандикай ва суннадикай вичиз кIандайвал рахаз алакъун, вичихъ галаз меслят тахъайбурукай гъасятди бейкеф хъун...ибур вири заз герек лишанар тир.

Зинни Мегъамед бен Абдул вагъабан арада хъсан алакъаяр хъанвай. Абур мадни хъсанарун ва мягъкемарун патал зун рикIивай чалишмиш жезвай. За акъваз тийиз адан алакъ-

унрин ва чирвилерин тарифар ийизвай. За адаз вичин бажарагълувал Алидилаини Омаралай артух тирди субутзавай ва и кардикай адаз гзаф хуш къевезвай. За адаз икIани лагъана: «Эгер пайгъамбар амайтIа, ада са рахунни алачиз халиф вакай ийидай».

За Мегъамед бен Абдул Вагъабыхъ галаз Къръандай ва Суннадай (гъелбетда, зи государстводин интересар фикирда аваз) гуьжетарни ийидай. Зун гъар гъалда пайгъамбардиз лап мукъва ксарин. къуд мазгъаб тешкилай алимрин фикирар адан шаклувилик кутаз алахъзавай. Бязи вахтара ам зи фикиррихъ галаз меслятни жада.

Са сеферда за адаз лагъана: «Пак тир дяве тухун исламдин ферз туш».

Ада мягътел яз завай хабар къуна. «ГъикI ферз туш? Къръанда кафиррихъ галаз дяве ая лагъанва эхир. Сура Ат-Товба, аят 73».

За алава хъувуна: «Хъсан, акI яз хъайила пайгъамбарди къве чин алай ксарихъ галаз вучиз дяве тузувач? Аллагъди лагъанва эхир: «На, пайгъамбар, кафиррихъ ва къве чин алай мусурманрихъ галаз дяве ая. Сура Ат-Товба, 73-аят. Пайгъамбарди кафиррихъ галаз 27 женг тухвана. амма вичихъ галаз са мискIинда капI ийизвай къве чин алайбурухъ галаз –садни. Пайгъамбардиз абур ву жар ятIа чизвай. амма абуруз садазни ада вун къве чин алай кас я лагъанач».

Мегъамед бен Абдул Вагъаба зи фикирдихъ галаз рази тирди кхилин ишарадалди тестикъарна. Им зи сад лагъай агалкъун тир.

Чи къвед лагъай суьгъбет чехирдикай кхиле фена. Зи гъар са фикир за Къръандай ва гъадисрай къачузвай делилралди тестикъариз хъана. Зи мурад сад тир: Мегъамед бен Абдул вагъаб исламдин рекъяй акъудун. За адавай хабар къуна: «Азияда, ибн Уммиадин ва ибн Аль-Аббасан тухумрай тир халифри чехир хъвайиди я. Дуьз яни къван абуруз чехир

ИСЛАМДИН ТАРИХДИН ЧИНАР

ЗУН РАХАЗВАЧ И КАСДИКАЙ ТЕРСИНА

6

гъалал, ваз гъарам хъун? Са шакни авач хьи, абуруз Аллагъдин Ктабдин пайгъамбардин Сунна лап хъсандиз чизвай. Идалайни гъейри, чувудрин хашпересрин пак тир ктабра чехир хъун гъарам туш лугъузва.

Динар вири Аллагъди халкънава. Бес гъа са затӀ садбуруз гъалал, садбуруз гъарам авун вуна гъикӀ гъисабзава?»... И сефердани за Мегъамед бен Абдул Вагъабан фикрар рагъуларнава ва пакад юкъуз адав пиян жедалди хъваз туна.

Нубатдин суьгъбет Рамазандин вацра сив хуьникай хъана. За адаз Къуръандай ихътин гафар кӀелна: «Эгер куьне сивер хуьзватӀа, куьн патал хъсан яни?». Ина сив хуьн ферз я лагъанвач хьи?

Тлем текъведай и «цал» хун патал чна лап виниз тир дережайра авай совещаниярни гуьрушмишвилер тӀимил тухванач. Чна мусурман уьлквейра кардик квай чи шпионринни информаторрин гъахъ-гъисабар абурун малуматар дикъетдалди чириз хъана. Чавай сакӀани абурун кӀвалахрал разивал ийиз, чи вилик эцигнавай месэла гъялиз жедайдак умуд кутаз жезвачир. Ихътин са совещаниеда колонийрин рекъяй министрди, тӀварван авай кешишри, динэгълийри ва пешекарри иштиракна. Санлай 20 касди. Совещаниедин кӀвалах пуд сятда давам хъана. Совещаниедал рахай са динэгълиди лагъана: «Чавай затӀни ийиз жедач лугъумир, я къалабулхуни къачумир. Хашперес диндин векилри чеб феи вири государствояр сад лагъана гъиле къурди туш. Абуру 300 йисуз сабурулувилелди гуьзлемишна, и рекъе вири жуьредин азиятар, дарвилер ва зулумар эхна». Ада вичин рахунар гъиле къунвай и четин, амма чарасуз кӀвалах дурумлувилелди давамарун меслят къалуруналди куьтягна.

Са къадар вахт алатайла колонийрин рекъяй министерствода мад совещание хъана. Совещани-

един кӀвалахда Великобританиядин, Франциядин ва Россиядин векилри иштиракна. Абуру дипломатар ва диндин кӀиле авай чӀехи ксар тир. И совещаниедални ислам диндиз талукъ месэлаяра гъялна. Абуру ислам пайи-паяр ийидай, ам дин яз тергдай ва Испанияда хъиз, мусурманар хашпересвилез элкӀвен хъийидай рекъер жагъурзавай. Амма и совещаниени вичи гуьзлемишзавай мураддив агакънач.

Зун Баср (Ирак) шегъердиз атайвални мискиндинз фена. Мискиндин имам савадлу кас тир. Ам суннитрин терефдал алай араб, тӀварни шейх Омар Ат-Тайи тир. Зун адахъ галаз таниш хъана. Хушвилелди къабулнайтӀани, зун адан шаклувилик квайди за гъисс авунай.

За шейхдиз зун Турциядай атанвайди, «агъадир» лугъудай тухумдай тирди. Стамбулда шейх Агъмед Эфендидин гъилик кӀелайди ва заз чидай къван маса ихтилатарни авуна.

Шейхдин ихтибар къазанмишиз тахъай зун адан мискиндай хъфена. Са тӀимил вахтарилай зун Абдурид лугъудай са харат устӀардин карханада кӀвалахал акъвазна. Ам Хорасандай иниз атанвай Ирандин шиит тир. Адан кӀвализ гъар ниянз шиитар къведай ва абуру Иракдинни Стамбулдин кӀиле акъвазнавай гъакимар хцидаказ критика ийидай.

Абдуридан карханада зун Мегъамед бен Абдул Вагъаб Ан-Наджадий лугъудай са жегъил шейхдихъ галаз таниш хъана. Ам иниз мукъвал мукъвал къведай ва туьрк, перс, араб чӀаларал хъсандиз рахадай. Ам вич-вичиз гзаф бегенмиш ва гуьрслу кас тир. Адаз Турциядин гукумдарар гзаф дакландай, амма Ирандин гукумдаррилай наразивал ийидачир. Заз чир хъайивал, Абдуриданни Мегъамедан дуствал къведазни Турциядин гъакимар даклан хъунал бинеламиш тир.

За къатӀайвал, гъам Къуръандин, гъамни Суннадин гъакъиндай суннитринни шиитрин арада зидвилер авайтӀани, вичиз вич гзаф бегенмиш Мегъамед бен Абдул Вагъаб Ан-Наджадийдихъ абурун гъакъиндай вичин

къетлен фикр авай. Клан хъайитӀа адавай неинки вичин девирдин алимар, гъакӀ Суннадин къуд мазгъабдин диб эцигай имамар, гъатда халифар тир Абу Бакар ва Омар критика ийиз ва абурун илимра ревизия ийиз жедай.

Мегъамед бен Абдул Вагъаба мукъвал-мукъвал тикрардай: «Пайгъамбарди (САС) лагъайди я хьи, за квез ирс яз кӀиметлу къве затӀ тазва Аллагъдин Ктаб ваз и тухум. Амма ада лагъанач хьи, за мусурманриз ирс яз зи куьмекчийрин ва къуд мазгъабдин имамрин ктабар ва Сунна тазва». Ада пак тир гъадисарни кваз къазвачир. И месэлайрай ам алимихъ галаз гуьжетриз экъечӀдай.

Мегъамедак хъел акатна: «Ваз за гила дин тамамвилелди гадарна кланзавани?» «Зун жуьреба-жуьре делилар гъиз, субут ийиз алахънатӀани, и сеферда завай ам инанмишариз хъанач.

Са сеферда за Абдул Вагъабавай хабар къуна: «Пайгъамбарди вичин асгъабриз куьн куь стхяар хъухъ лагъаналдай. Дуьз гафар яни?»

«Эхъ», - жаваб гана ада.

За хабар къун хъувуна: «Исламдин весияр мудатдинбур яни, тахъайтӀа эбедибур?»

«Эбедибур. Пайгъамбарди лагъанва хьи, Мегъамеда ихтияр ганвай крар эхиратдин йикӀалди ихтияр ава, Мегъамеда къадагъа авунвай крар эхиратдин йикӀалди къадагъа я».

«ГъакӀ яз хъайила, зунни вун вучиз стхяар туш?» - суал гана за.

ГъикӀ ятӀани са сеферда заз Мегъамед бен Абдул Вагъабахъ галаз пайгъамбардикай рахаз клан хъана. Ада зи ихтилат сад лагъана къатӀна: «Вуна мад захъ галаз адакай ихтилат хъувуртӀа, зун вахъ галаз рахан хъийидач». Зун кисна. Амма за Абдул Вагъабахъ галаз тухузвай кӀвалахдин нетижайрикай мукъвал-мукъвал Лондонда авай чи министерстводиз хабар гузвай ва ада за тухузвай кӀвалах бегъерлуди яз гъисабзавай.

(Эхир къведай нумрада).

ВОЕННЫЙ ПРОКУРОР РАЗЪЯСНЯЕТ!

10 шагов для поступления на военную службу по контракту (для рядового и сержантского состава):

1. Обратиться на пункт отбора для получения консультации и сообщить сведения о себе и пожелания о должности специальности и регионе прохождения военной службы (лично, по телефону, через Интернет, письмом по почте);
2. Собрать документы согласно «Перечень документов» для поступления на военную службу;
3. Пройти собеседование с инструктором пункта отбора и

подать заявление о приеме на военную службу по контракту;

4. Пройти на пункте отбора профессиональный психологический тест;

5. Пройти медицинское обследование в военном комиссариате;

6. Пройти проверку физической подготовленности на пункте отбора;

7. Получить протокол заключение отборочной комиссии в военном комиссариате о соответствии требованиям для поступления на военную службу по контракту (место и время выдачи уточнить на пункте отбора);

8. Получить в военном комиссариате воинские переводочные документы и предписание для следования в учебную воинскую часть, убыть для обучения в учебную воинскую часть;

9. В учебной воинской части заключить контракт о прохождении военной службы с испытательным сроком (3 месяца), пройти курс интенсивной общевоинской подготовки и курсом «выживания» (сроком 6 недель);

10. Прибыть к месту прохождения военной службы, принять дела и должность.

Чир хьун хьсан я

*Тукьуьлда кьванер авайла, чугьундурдин ширедикай куьмек жеда. Ам икI гьазурда 3-4 чугьундур михьна, клусариз атIана, яд илична зайиф цIал эцигна, шире хьиз икьи жедалди ргада, ахпа йикьа пуд сеферда фу недалди вилик хуьрекин 2 тIурунавайди хьвада. 2 вацралай кьванер куьлуь жеда. Операция авунин лазимвал амукьдач.

*ДуркIунар тIазвайла, брусникадин пешери хьсан куьмек гуда. Ам икI гьазурда: хуьрекин са тIурунавай брусникадин пешерал яд илична, зайиф цIал эцигна (кьалпагь алачиз) I5 декьикада ргада. Ахпа ам тадиз куьзда, гьикI лагьайтIа, адак дамарриз зиян гудай шейэр ква. И цикай йикьа

пуд сеферда фу нез пуд сят амайла, 100 мл. хьвада.

*Инсанди суткада (иллаки йифиз) 7 сятда ахвар авун лазим я, лугьузва Америкадин алимри. Ял язавачир беденда шекердин кьадар виниз хкаж жеда. ГьакIни обменный процессар кьайдадикай жатда, инсан куьк жез башламишда.

*Бронхит авайла ва я меки хьана азарлу хьайила, касторкадин ягьлу ва скипидар (2:1) сад-садак какадарна, хурудивай гуьцIун меслятзава.

*Гатун вахтунда 10 кг гьар гьи жуьредин хьайитIани емишар тIуьртIа, куьн хьуьтIуьз азарлу жедач.

*Свах тIазвайла, сухван винел

алай куручIдал прополисдин са клус эцигайтIа, тIал секин жеда.

* КуручIрай иви кьведайла, активированный цIивиндин 5 таблетка ва прихополдин са таблетка куьлуь авуна, хуьрекин 2 тIурунавай сарар чуьхуьдай порошокдик какадарна, экуьнахь ва нянихь сарар чуьхвейтIа, иви атун акьвазда.

*Сарар мягькембур хьун патал, хьархьарин чкалар чай хьиз демда туна, сарар чуьхвейдалай гуьгуьниз сиве экьуьрда.

* Кьилин чIарар алахьдайла, куркумадин порошокдал яд ва я набататдин ягьлу илична, икьи кьаришма тукьIуьрна, ам кьилин хамунивай ва чIарарин пунаривай гуьцIна, зур сятда тада, ахпа чуьхуьн хьийида. И процедура гьаф-теда садра авуртIа бес жеда.

**Кьилин редактор
А.А. ИСМАИЛОВ.**

Учредитель: Администрация муниципального района «Магарамкентский район».

Адрес: 368780. РД, Магарамдхуьруьн район, Магарамдхуьр, Гагаринан куьче, 2.

Редакциядин адрес:
368780. РД, Магарамдхуьруьн район, Магарамдхуьр, Ленинан куьче.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Газетдин регистрацIадин нумра- Д 0174

Газет гьафтеда садра акьатзава.

**Чап ийиз вахкудай вахт - 16.00.
Чапун патал кьул чIугуна- 15.00.**

Газет ООО «Самур» типографияда гьазурна ва гьана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги чIал.
**Индекс 63340. Тираж 1400
Заказ № 35**

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+